

Жанубий Қозоғистон

1991 йил 5 апрелдан чиқа бошлаган
Сешанба, пайшанба ва шанба кунлари чиқади

2024 йил 6 июнь, пайшанба, №61 (3407).



БАЙРОҒИМИЗ – ВАТАН ИҚБОЛИДЕК ЁРҚИН

ҚР Президенти Қасим-Жўмарт Тўқаев Астанадаги “Атамекен” этномемориал мажмуасида Давлат байроғини кўтариш маросимида иштирок этди.

Фахрий қоровул ротаси бошлиғи Давлат раҳбарига тантанана тайёргарлик ҳақида ҳисобот берди. Давлат мадҳияси янгради, Давлат байроғи кўтарилди. Қасим-Жўмарт Тўқаев йиғилганларни Давлат рамзлари куни билан табриклаб, бу юрт қудратини мустақамловчи тантанали шодиёна эканлигини таъкидлади.



– Мовий байроғимиз – фахримиз! Спортчиларимиз халқаро мусобақаларда ғалаба қозониб, байроғимизни кўп маротаба сарбаланд этишган. Яқинда довурак қизларимиз Эверестни забт этишди. Байроғимиз яна бир бор дунёнинг энг баланд чўққисидида хилпирай бошлади. Олимпия уйинлари яқинлашмоқда. Уйлайманки, халқимиз Парижда ҳам байроғимизни сарбаланд этади, – деди Президент.

– Давлат рамзлари асосий қадрият ва ғояларни ойдинлаштиради, ҳар бир инсон қалбиди Ватани билан ҳақиқий гурурланиш туйғусини уйғотади. Халқимиз доим оғир дамларда байроқ остида бирилашган. Бирликни сақлаб, юртни, заминни ҳимоя қилган. Ерини кўз қорачигидек асраб, ўз авлодларига етказиб берган. Уша омонатга содиқ қолиш авлодларимизнинг буюк мақсади, – деди Қасим-Жўмарт Тўқаев.

Akorda.kz.



ТАРИХИЙ КИНО СУРАТГА ОЛИНМОҚДА

Қисқа метражли бадиий фильм 1771-1781 йилларда Қозоқ хонлигини бошқарган буюк давлат арбоби ва жасур саркарда Абилай хон ҳақида ҳикоя қилади.

Кино Қозоғистон Республикаси Президенти ҳузурдаги Ҳужжатли фильмлар маркази томонидан суратга олинмоқда. Тасвирга олиш жараёни Қўнаев шаҳридаги “Кўчманчилар” майдонида олиб борилмоқда.

“Абилай хон” бадиий фильми Бурабайдаги Абилай хон майдонида жойлашган мультимедиа-интерактив мажмуада намойиш этилади.

Мажмуага ташриф буюрувчилар Абилай хоннинг ҳаёти билан танишиш борасида ажойиб имкониятга эга бўладилар.

Бош ролни таниқли қозоқ актёри Жандўс Айбасов ижро этади.

Фильмда Бўлат Мўминжанов, Байкенже Белбаев, Сағизбай Қарабаев ва бошқалар суратга тушади.

Режиссёр Ғалимжан Баязитов, сценарий муаллифлари Радик Темиргалиев ва Майра Жумабекова.

24.kz.

Президент

ТИНЧЛИК – ЭНГ ОЛИЙ НЕЪМАТ



ҚР Президенти Қасим-Жўмарт Тўқаев Алматы шаҳрида Жамоавий хавфсизлик шартномаси ташкилоти Парламент ассамблеяси кенгаши йиғилиши иштирокчилари билан учрашди.

Давлат раҳбари Россиянинг ЖХШТ Парламент Ассамблеясига доимий мақом бериш ҳақидаги таклифини қўллаб-қувватлашни маълум қилди. Президент бошқа давлатлар делегацияларига ушбу ташаббусни қўллаб-қувватлаш фикрини илгари сурди.

Қ. Тўқаев парламентларо муносабатларни мустақамлашда муҳим аҳамият касб этишини таъкидлади.

– Бугунги учрашув ниҳоятда кескин халқаро вазиятда ўтмоқда. Геосиёсий моҳоронинг кучайиши билан минтақавий хавфсизликка таҳдидлар доираси ҳам сезиларли даражада ўзгарди. Дунёдаги моҳоролар хавфли даражага етди. Айниқса, Яқин Шарқдаги вазият хавотирга солмоқда. Ҳазо секторда ҳар куни юзлаб одамлар ҳалок бўлмоқда.

Улар орасида оддий фуқаролар, хотин-қизлар ва болалар бор. Бир миллиондан ортққ тинч ҳоли оғир аҳволда. Барча йирик халқаро ташкилотлар Фаластиндаги гуманитар вазиятнинг оғирлигини маълум қилмоқда, – деди Президент.

Давлат раҳбари Қозоғистон бу борада танлаган йўлидан ҳеч қачон четга чиқмаслигини яна бир бор тасдиқлади. Унинг сўзларига кўра, узоқ давом этган моҳоронинг ягона ечими “икки халқ учун икки давлат” формуласи асосида пойтахти Шарқий Қуддус бўлган Фаластин давлатини барпо этишдир. Шу билан бирга, Президент БМТ Бош Ассамблеяси томонидан жорий йилнинг 10 май куни қабул қилинган фаластинликларнинг ташкилотга аъзо бўлиш ҳуқуқини тан олиш тўғрисидаги резолюцияни олқишлади.

ҚР Президенти учрашув чоғида Қозоғистон ЖХШТга раислик доирасида хавфсизликни таъминлашга қаратилган халқаро ташкилотлар ва тузилмалар билан ҳамкорликни кучайтириш ниятида эканлигини маълум қилди.

– БМТ, МДХ ва ШХТнинг тармоқ тузилмалари билан ҳамкорликни кенгайтириш жуда муҳим, деб ҳисоблаймиз. Жорий йилнинг январь ойида ЖХШТ Котибияти ва МДХ Терроризмга қарши кураш маркази ўртасида ҳамкорлик тўғрисида меморандум имзоланган эди. Биз бунини олқишлаймиз, – деди ҚР Президенти.

Давлат раҳбари Қозоғистонда амалга оширилаётган ислохотлар жамият ҳаётининг барча жабҳаларини, жумладан, сиёсат, иқтисодиёт ва мафқуранини тизимли равишда замонавийлаштиришга қаратилганини таъкидлади.

Қ. Тўқаев иқтисодиётга тўхталиб, мамлакат ички ялпи маҳсулоти 265 миллиард долларга етганини маълум қилди.

Шунингдек, Давлат раҳбари

ЖХШТ мамлакатлари ўртасидаги товар айирбошлашнинг жадал ўсиб бораётганини таъкидлади.

Учрашув якунида Қасим-Жўмарт Тўқаев ЖХШТ Парламент Ассамблеяси Кенгаши мажлиси ҳар бир аъзо давлат манфаатларини инобатга олган ҳолда давлатларнинг миллий қонунчилигини илгари суриш ва ўзаро мувофиқлаштиришга улкан ҳисса қўшаётганини таъкидлади. Шунингдек, Кенгаш томонидан қабул қилинадиган ҳужжатлар ЖХШТни янада ривожлантиришга хизмат қилишига ишонч билдирди.

Учрашувда ЖХШТ Парламент Ассамблеяси Раиси – Россия Давлат Думаси Раиси Вячеслав Володин, Беларусь Республикаси Миллий Мажлиси Вакиллар палатаси раиси Игорь Сергеевко, Тожикистон Республикаси Олий Мажлиси Миллий Мажлиси раиси Рустами Эмомали сўзга чиқди.

Akorda.kz.

Давлат рамзлари куни

ТУРКИСТОНДА МАДҲИЯ ЯНГРАБ, БАЙРОҚ КЎТАРИЛДИ



Туркистон шаҳридаги “Рамзлар майдони”да 4 июнь – ҚР Давлат рамзлари куни муносабати билан Давлат байроғини кўтариш маросими ўтди. Тадбирда вилоят ҳокими Дархан Сатибалди, маслаҳат депутатлари, фахрийлар, давлат идоралари раҳбарлари, зиёлилар, таниқли спортчилар, ёшлар иштирок этишди.

(Давоми 2-бетда.)

Обуна-2024

“ЖАНУБИЙ ҚОЗОҒИСТОН” – ДОНО ДЎСТИНГИЗ, ҲАМКОРИНГИЗ!

Қадрли муштарий! 2024 йилнинг иккинчи ярим йиллигига даврий нашрларга обуна қизгин давом этмоқда.

Мустақиллик билан тенгдош миллат минбарини ва овозини, фахри саналмиш “Жанубий Қозоғистон” газетаси омма ва давлат ўртасидаги олтин кўприк – доно маслаҳатгўй вазифасини ҳалол ва вождонан бажармоқда.

Ҳамшиша шундай бўлиб қолади. Маънавий жиҳатдан юксалиб, баркамоллик сари интилишни истасангиз, вилоят янгиликларидан воқиф бўлмоқни ихтиёр айлаб, оламшумул воқеалардан беҳабар қолмай десангиз, ҳеч иккиланмай суюқли «Жанубий Қозоғистон» рўзномасига обуна бўлинг.

Туркистон вилоятининг «Жанубий Қозоғистон» ижтимоий-сиёсий газетаси таҳририятидаги рақобатбардош, изланувчан жамоа доим сизларнинг орзунгиздаги жиҳатларга эътибор қаратишга, маънавий хизмат кўрсатишга шай.



24.kz.

Сайёҳлик – маданиятлар риштаси

Қозоғистон Жаҳон иқтисодий анжуманининг яқинда эълон қилинган сайёҳат ва туризмни ривожлантириш рейтингидида сайёҳлик йўналишлари рўйхатида 119та давлат орасида 52-ўринни эгаллади.

Бу ҳақда Қозоғистон Республикаси Туризм ва спорт вазирлиги Ермек Маржиқпаев Бурабай туманидаги «Discovery Borovoe» меҳмонхонасида Ақмўла вилояти ишбилармон доиралари вакиллари билан учрашувда маълум қилди.

Учрашувда ёзги сайёҳлик мавсумига тайёргарлик масаласи ишлаб чиқилди. Вилоятдаги яна бир муҳим йўналиш – агротуризмни ривожлантириш, қишлоқ аҳолисини иш билан таъминлашдир.

Туризм ва спорт вазирлиги вилоятда туризмнинг барча жабҳалари ривожланиб бораётгани, жумладан, тиббий-соғломлаштириш ва табиий ландшафт туризми марказига айланганини таъкидлади.

24.kz.



БАЛЛИ, АЙДЎС!

Кентовлик битирувчи Айдўс Қўжанов ягона миллий тест синовидан муваффақиятли ўтиб, 138 балл тўплади. Бу кўрсаткич ҳозиргача мамлакатимиздаги энг юқори натижадир.

Вилоят минтақавий алоқалар хизмати.

Вилоят ҳокимининг матбуот хизмати хабар қилади:

ТУРКИСТОНДА МАДҲИЯ ЯНГРАБ, БАЙРОҚ КЎТАРИЛДИ



(Давоми. Боши 1-бетда).

Шу кунги "Карвон сарой" мажмуасидан "Рамзлар майдони"га-ча ҚР Давлат рамзлари кунига бағишланган автономийиш ўтказилди. Байроқ кўтариш маросими байрам тадбирига улашиб кетди. Байрамда туркистонликлар, "Јана Лер" ижодий гуруҳи ва истеъдод-

ли ёшлар Давлат Мадҳиясини бирга куйлашди. Бундан ташқари, ватанпарварлик ҳақидаги қўшиқлар ижро этилиб, барчада фахр туйғуси жўш урди.

Юксак савияда нишонланган Давлат рамзлари кунига ифтихоримиз бўлган рамзлар тарғиб қилинди.



ЙИЛЛИК РЕЖА ТАСДИҚЛАНДИ

Вилоят ҳокими Дархан Сатибалди раислигида ўтган мажлисда минтақадаги тозалик, ободонлаштириш тадбирлари ҳақида тўлиқ маълумот берилди. Шунингдек, ёзги болалар лагерларига тайёргарлик ишлари пухталанди.

Вилоят ҳокимининг биринчи ўринбосари Зулпихар Жўлдасов "Тоza Қозоғистон" танловининг натижаларига тўхталди. Минтақада 5 ҳафта мобайнида ободонлаштириш, кўкаламзорлаштириш ҳамда санитария тозалиги тадбирлари ҳар кун олиб борилди. Бундан ташқари, мавсум доирасида 1408та оммавий тадбирлар уюштирилди.

Умумхалқ тадбирда 74 мингдан зиёд фуқаро, 2 мингдан зиёд давлат идоралари, 3 мингдан зиёд тадбиркор, 5 мингдан зиёд кўнгилли, мингдан зиёд ёшлар иштирок этиб, шанбаликларга 1669та

техника жалб этилиб, 4 минг тоннага яқин чиқинди чиқарилди. 691 қақирим республика йўллари, 3533 қақирим вилоят аҳамиятига эга йўллар тозаланди.

Мажлисда вилоят ҳокими девони раҳбари Еркеғали Алимқулов туманлардаги ҳокимлик биноларининг тозалиги, ҳолати, ободонлаштириш ҳамда ёзги дам олиш лагерларига тайёргарликка доир назорат натижаларини баён этди. Мутасадди раҳбарлар оғоҳлантирилиб, ишни жадаллаштириш юзасидан кўрсатмалар берилди.



Туркистон шаҳрининг янги қиёфасини шакллантиришга аҳоли ҳам салмоқли ҳисса қўшапти. Яқинда ушбу мавзуга доир жамоат муҳокамаси ўтади. Бу борада кунги кеча вилоят ҳокими Дархан Сатибалдининг раислигида ўтган мажлисда айтилди. Вилоят ҳокими мутасадди соҳа раҳбарлари билан янги лойиҳани муҳокама қилди.



Минтақа раҳбари раислигида вилоятда барпо этилаётган ва режаланган лойиҳаларнинг қиёфасига доир муҳокама ўтказилди. Унга меъморлар, мутасадди бошқарма раҳбарлари, шаҳар ҳокимлиги ва бошқа муассасалардан вакиллар таклиф этилди. Туркистоннинг ўзига хос бетакрор меъморчилик услуби

бор. Барпо этилаётган янги иншоотлар ҳамда уй-жойларнинг ташқи қиёфаси белгиланган талаб доирасида қад ростламоқда. Тадбиркорлардан уй-жойлар ҳамда сарможий лойиҳаларнинг ягона намунада, миллий нақшда безалиши талаб қилинади. Янги иншоотлар ўрта аср меъморчилик санъати ва миллий нақшга

содиқ қолган ҳолда, ўзгача қиёфада барпо этилади. Шунингдек, қад ростлаётган бинолар аҳолига узоқ йиллар давомида сифатли хизмат қилиши учун ҳар бир лойиҳа атрофлича ўрганиб чиқилади.

Ушбу йўналишдаги ишларни амалга оширишда бошқа давлатларнинг тажрибалари ҳам эъ-

тиборга олинади. Жамоат муҳокамасини ўтказиш ҳам режаланган. Таклифлар кўриб чиқилади. Шаҳар ва аҳоли манзилларининг қиёфасини яхшилаш тадбирлари босқичма-босқич амалга оширилади. Минтақанинг ягона услуби шаклланади. Қурилиш талабларига риоя қилиш масаласи ҳам эътибордан четда қолмайди.

ЛАТИФ ШАҲАР ГЎЗАЛЛАШМОҚДА



тиборга олинади. Жамоат муҳокамасини ўтказиш ҳам режаланган. Таклифлар кўриб чиқилади. Шаҳар ва аҳоли манзилларининг қиёфасини яхшилаш тадбирлари босқичма-босқич амалга оширилади. Минтақанинг ягона услуби шаклланади. Қурилиш талабларига риоя қилиш масаласи ҳам эътибордан четда қолмайди.



ҲАР ГЎШАДА БАЙРАМ

АРИСДА "БАЛДЭУРЕН-2024" ЁШ ИЖРОЧИЛАР ТАНЛОВИ ЎТДИ

Тадбир тантанасида Арис шаҳри ҳокими Гулжан Қурманбекова сўзга чиқиб, болаларга омад тилади. Танловда вилоятнинг барча туман ва шаҳарларидан ташир буюрган ёш истеъдодлар иштирок этди.

Унинг натижаларига кўра, Сайрам туманидан Нурғали Нурбек бош совринни кўлга киритди. Шунингдек, Туркистон шаҳридан Елдўс Бақдаулет биринчи, Ўрдабоши туманидан Алайдар Каусар ва тулкибошлик Амирбек Ансар иккинчи, Сариегоч туманидан Қанжарбек Балсезим ҳамда Жетисай туманидан Жанабай Нурқадир учинчи ўринни эгаллади.

«БАДАСТИР МАКТАБЛАР» – ЯНГИ ЎҚУВ ЙИЛИГА!

Вилоят ҳокими девони йиғилишида "Бадастир мактаб" лойиҳасини амалга ошириш жараёни яна бир бор пухталанди. Вилоят ҳокими Дархан Сатибалди аҳоли манзилларини замонавий мактаблар билан таъминлаш муҳимлигини таъкидлаб, инфратузилма тортиш ва қурилишни жадвалга мувофиқ олиб бориш юзасидан кўрсатмалар берди.

Учрашувда "Самўрық-Қазына" ХЖ вакилларининг фикр ва таклифлари тингланди. Вилоят қурилиш бошқармаси ҳамда туман, шаҳар ҳокимларининг бу борада амалга оширилган ишлари сараланди. Пудратчиларга қурилиш даврида ишчи-лар сонини кўпайтириш юзасидан

тегишли кўрсатмалар берилди.

2024 йилда 29та мактабни фойдаланишга топшириш режаланган. Бугунги кунга қадар 1 августга топшириладиган 15та мактабнинг етти тасида учинчи қават, қолган 8тасида мактабнинг иккинчи ва биринчи қаватлари қад ростлади.

ЁЗГИ ТАЪТИЛ МАРОҚЛИ ЎТСИН...

Сариегоч тумани ҳокими Арман Абдуллаев раислигида фаоллар билан учрашув ўтди. Йиғилишда туман ҳокими ўринбосари, девон раҳбари, мутасадди бўлим раҳбарлари, муассаса раҳбарлари, шаҳар ва қишлоқ ҳокимлари иштирок этди.

Тадбирда 2023-2024 ўқув йили битирувчиларини ЯИМ синовларига тайёрлаш ва ўқувчилар учун ёзги таътилни ташкил этиш масалалари муҳокама қилинди. Ушбу масала юзасидан туман таълим бўлими раҳбари Д. Ақатовнинг маърузаси тингланди.

Йиғилиш якунида туман ҳокими маърузачига кун тартибидеги масалалар юзасидан аниқ кўрсатмалар берди.

Сариегоч тумани ҳокимининг матбуот хизмати.

Туркистон шаҳрида 4 июнь – ҚР Давлат Рамзлари кунига бағишланган вилоят ватанпарварлар анжумани ўтди. Унда вилоят ҳокимининг ўринбосари Бейсенбай Тажибаев иштирок этиб, кўпчиликни ушбу муҳим сана билан қутлади.

ЯНА БАЙРАМ, ЯНА ТАНТАНА

– Аҳолида давлат рамзларига ҳурматни шакллантириш, тафаккурига сингдириш – барчамизнинг нафақат бурчимиз, балки масъулиятимиз. Давлат рамзларининг нуфузи ортиб, мамлакатимиз тараққий этаверсин, – дея, вилоят ҳокимининг муовини юртимиз равнақига муносиб ҳисса қўшаётган бир гуруҳ фуқароларни тақдирлади.

Ўқувчилар саройида ўтган тадбирда республика ва халқаро миқёсда муваффақиятларга эришган, фан ва таълим, маданият ва спорт, тиббиёт ва кўнгилчилар, саноат ва қишлоқ ҳўжалиги, технология ва бизнес соҳаси илғорлари ҳамда алоҳида қахрамонлик кўрсатган фуқаролар тақдирланди. Шунингдек, жорий йил кўкламда элимизнинг бир неча минтақаларидаги сув тошқини пайтида ёрдам кўрсатган инсонларнинг меҳнати улуғланди.



Вилоят ҳокимининг топшириғига кўра, ёшларни ватанпарварлик руҳида тарбиялаш йўналишида қатор тадбирлар режаланган. Бугунги кунги "Айбын", "Жас Ўлан", "Жас қыран", "Облыс тарихы" карвони намойиши каби 10дан зиёд лойиҳа амалга оширилмоқда. Шунингдек, қатор давлат хизматчилари ўртасида саволнома юритилиб, доғибларга байроқчалар совға қилинди.

Юқоридека қайд қилинган анжуман ҚР Давлат рамзлари кунини нишонлаш режаси доирасида уюштирилди.

УМУММИЛЛИЙ ТАДБИРДА



Сайрам туманида Қозоғистон Республикаси давлат рамзлари кунига бағишланган "Кўк байроқ ҳилпирайди" мавзусида анъанавий умуммиллий тадбир ўтди.

Барча туман аҳлини ватанпарварлик ҳамда давлат рамзларини шарафлашга тарғиб этувчи тадбир туман "Ёшлар имконият маркази" муассасаси ходимлари томонидан ташкил этилди.

Тадбир давомида худуддаги ёшу қарига байроқчалар тарқатилиб, Қозоғистон Республикасининг давлат рамзлари кенг тарғиб қилинди. Тадбирдан кўзланган мақсад – ёшлар онгига ватанпарварлик туйғусини шакллантириш, миллий рамзларга ҳурмат, она Ватан, давлатига меҳр-муҳаббатли бўлишга қақриш эди.



АҲОЛИ ОСОЙИШТАЛИГИНИ ТАЪМИНЛАШ – БОШ МАҚСАД

Сариегоч туманида "Жер-2024" республика кўмондонлик-штаб ўқув машғулоти ўтди. Тадбирда туман раҳбари Арман Абдуллаев иштирок этди.

Машғулотларда "Туркистон вилояти тезкор қутқарув отряди" ДКК ходимлари, Республика "Офатлар тиббий маркази"нинг вилоят филиали ходимлари, туман ёнгин хавфсизлиги бўлими таркиби, фавқулодда вазиятлар бошқармаси, мутасадди бўлим ва муассасалари ҳамда туман ҳокимлиги ходимлари иштирок этишди.

2024 йили 3 июнь кунги эрталаб соат 11:00да туманда заҳарли модда тарқалишининг олдини олиш юзасидан машқлар ўтказилди. Кўмондонлик-штаб машғулоти рағига 195 одам ва бта техника жалб қилинди.

Сариегоч тумани ҳокимининг матбуот хизмати.

ДЎСТЛИК БОҒИДАГИ УЧРАШУВ



Шимкент шаҳрининг Сайрам даҳасидаги А. Байтурсинули номли хусусий мактабда "Ижодкор" адабий бирлашмаси ва "Шимкент" ижодий уюшмаси ташаббуси билан таниқли шоира ва таржимон Робия Қамчибек қизининг "Дўстлик боғи", "Улан – сўзнинг подшоиси" ва "Қучоғимга сиғдираман оламини" китобларининг тақдими ўтди. Қозғоғистон Ёзувчилар уюшмасининг Шимкент шаҳридаги ваколатхонаси шафелигида уюштирилган ушбу тадбирдан кўзланган мақсад – қардош халқлар дўстлигини тараннум этиш, икки давлат Президентларининг бу борадаги вазифалари ижросини таъминлаш, қозоқ ва ўзбек шоир-ёзувчиларининг адабий алоқаларини мустаҳкамлашдан иборат эди.

Унда Ўзбекистон Ёзувчилар уюшмаси аъзоси Зулфия Мўминова, журналист Ҳанифа Зокирова, жамоат арбоби Фахриддин Қоратоев, Қозғоғистон Ёзувчилар уюшмаси аъзолари Ҳавазмат Қўчқоров, Соатой Камолова, Суннатилла Ақромов, Шимкент шаҳар ўзбек этно-

журналист, Ўзбекистон Журналистлар ва "Маърифат" тарғиботчилар уюшмаларининг аъзоси.

Дастлаб сўз олган Зулфия Мўминова қозоқ-ўзбек адабий алоқалари тарихига тўхталиб, мазкур учрашувнинг аҳамиятини юксак баҳолади. Айниқса, шоиранинг "Болага китоб беринг" шеъри барчада унутилмас таассурот қолдирди. Ҳанифа Зокирова ҳам Робия

Меҳнат фахрийлари Турсунхўжа Хонхўжаев, Эркин Абдунакибовлар иштирокида "Дўстлик боғи", "Улан – сўзнинг подшоиси" ва "Қучоғимга сиғдираман оламини" китобларининг тақдими ўтди.

Шундан сўнг сўз олган жамоат арбоби Фахриддин Қоратоев икки қўшни Давлат раҳбарлари Қ. Тўқаев ва Ш. Мирзиёевларнинг халқларимиз орасидаги дўстлик алоқаларини янада мустаҳкамлаш борасидаги саъй-ҳаракатларининг янги босқичга кўтарилганини алоҳида таъкидлади. Шимкент шаҳар ўзбек этномаданият бирлашмаси раиси Тохирбек Нишонбоев ҳам келгусида бундай учрашувларни кўпроқ ўтказишга чақирди. Шимкент ижодий уюшмаси раисаси Эркиной Султонова қозоқ-ўзбек адабий алоқаларини ривожлантиришга самарали ҳисса қўшаётган Зулфия Мўминовага "Дўстлик" ҳамжамиятининг "Дўстлик" медалини топширди. Тадбирда сўз олган Келес туман ўзбек этномаданият бирлашмаси раиси



маданият бирлашмаси раиси Тохирбек Нишонбоев, стол теннисидан спорт устаси, халқаро мусобақалар ғолиби ва совриндори Тўймурод Эшимов, шунингдек, маҳаллий шоир-ёзувчилар, зиёлилар, устоз-мураббийлар, талабалар иштирок этишди.

Бошловчи Зокиржон Мўминов ўзбекистонлик меҳмонларни учрашув иштирокчиларига таништирди. Чунончи, Самарқанд вилоятининг Нарпай туманида туғилган Зулфия Мўминова Тошкент давлат университетиде тахсил олган. Шоиранинг "Самога сочилган колдузлар", "Истиқлол – олтин гулим", "Биринчи ўқитувчим", "Аёлга гул беринг", "Аёлга бахт беринг", "Сурхоннинг тадбиркор ўғли", "Ассалом, саодат тонги" каби шеърий, бадий публицистик, шунингдек, "Хуроз нега учолмайди?", "Донишманд тошбақанинг кўзойнаги", "Болаларга китоб беринг", "Юмшоғой исми типратиконча" каби болаларга аталган китоблари нашр қилинган. У Ўзбекистонда хизмат кўрсатган маданият ходими унвони, "Дўстлик", "Меҳнат шuhrати" орденлари билан тақдирланган.

Ҳанифа Зокирова – таниқли

Дўстлованинг таржимонлик борасидаги изланишларини алоҳида таъкидлади.

Тадбир Робия Қамчибек қизининг ҳаёти ва ижоди ҳақидаги видеоларга намоиши билан давом этди. Тошкент вилоятининг Қўйи Чирчиқ туманида туғилган Р. Дўстнова Тошкент шаҳридаги Низомий номидаги педагогика институтиде тахсил олган. Унинг шеърлари ва таржималари "Амир Темур ва Жанубий Қозғоғистон", "Чимкент – ижод гулшани", "Зангори кенгликлар" каби китобларда эълон қилинган. Шоира самарали ижодий фаолияти учун Халқаро Миртемир номидаги адабий мукофот, "Жамоат фахрийси", "Дўстлик" кўкрак нишонлари билан тақдирланган. Қозғоғистон Ёзувчилар уюшмаси ҳайъати аъзоси Муратхан Шўқан ва Ўзбекистон Ёзувчилар уюшмасининг ёшлар билан ишлаш бўлими етакчи мутахассиси Наргиза Асадоваларнинг Робия Қамчибек қизининг ижоди ҳақидаги фикрлари учрашув иштирокчиларининг эътиборини тортиди. Учрашувда Р. Дўстнова кўп йиллик устозлик ҳамда таржимонлик фаолияти учун "Қўрметли ўстаз" медални билан тақдирланди.

Суннатилла Тожиаҳмедов, Э. Воҳидов номидаги "Ўзбегим" халқаро ижодкорлар иттифоқи раиси Ўрмончиқ Исмоновиқов, ижодкорлар Шўнтиқова Танмигул, Абдурауф Абдуғаффор, Анормат Лочин, спортчи Тўймурод Эшимовлар ҳам эзгу тиллақларини изҳор қилишди.

А. Байтурсинули номли мактабда ташкил этилган "Қараш" дастасининг рақслари, қорабулоқлик таниқли хонанда Тўраҳон Худойбергановнинг қўшиқлари тадбирга файз киритди.

З. Мўминов тадбирни яқунлаб, учрашувни уюштиришда бегараз ёрдам кўрсатган Қозғоғистоннинг фахрий қурувчиси Низомхон Сулаймонов, А. Байтурсинули номли мактаб маъмурияти ва ўқитувчилар жамоасига миннатдорчилик билдирди ва ўзбекистонлик меҳмонларга "Ижодкор" адабий бирлашмасининг эсдалик совғаларини топширди.

З. АҲМАДЖОНОВ.

Тасвирларда: тадбирдан лавҳалар.

Обуначиларимиз орасида



ЭЛЛИК ЙИЛЛИК ДИЙДОР

Олтимиш йил муқаддам 1964 йили биринчи сентябрда биз, 36 нафар ўқувчи Туркистон шаҳридаги Навоий номли мактабда муаллим Худойберган Хўжаев раҳбарлигидаги 1 "В" -синфига қабул қилиниб, ўқишни бошладик.

Ўрта синфларда Омон Эргашев, юқори синфларда Турсунбой Ўринбоевлар синф раҳбаримиз бўлишди. Мактаб директори Муҳаммадраҳим Абдурауфов эди. 1974 йили май ойида мактабни тамомлаб, мустақил ҳаётга учирма бўлдик. Синфдошларимизнинг 16 нафари Тошкент, Самарқанд шаҳарларидаги институт ва техникумларда таҳсил олиб, турли соҳаларда

самарали меҳнат қилишди. Бугунги кунда нафақа ёшида. Ҳаётдаги ҳар бир ютуғимиз замирида заҳматкаш устозларимизнинг таълим-тарбияси мужассам эканлигидан фخرланиб, ёдга оламиз.

Мана, Туркистон шаҳридаги Ҳазрат Аҳмад Яссавий мақбараси ёнида собиқ синфдошларнинг 25 нафари эллик йилдан сўнг "Дийдор ширин" тадбирида учрашди.

Оламдан ўтган устоз, синфдошлар руҳига бағишлаб Курьон тиловат қилинди.

Ёшлигимизда ўрта мактабдан сўнг фақат Тошкент, Шимкент, Самарқанд каби олис шаҳарларда олий маълумот олиш мумкин эди, бугунги кунда қадрдон Туркистон шаҳрининг ўзида А. Яссавий номидаги ХҚТУ ҳамда халқаро туризм ва меҳмондўстлик университети фаолият юритаётгани дилимизда ифтихор туйғусини уйғотди.

Собир БАРОТОВ,
меҳнат фахрийси.

Заковатли миллат

ИЛҒОР МАКТАБЛАР САФИДА

Саврон туманига қаршли 1-сонли умумтаълим мактаби 2022 йил 31 мартда 444 нафар ўқувчи билан фаолият бошлаган. Бугунги кунда таълим масканида 560 ўқувчига тажрибали, иқтидорли, меҳнатсевар муаллимлар муносиб таълим-тарбия бермоқда.

Мактаб янги ва навқирон бўлишига қарамай, битирувчи ўқувчилар имтиҳонларда юксак натижаларга эришиб, олий ўқув юрларининг грант соҳиблари бўлишмоқда.

Мактабда турли тўғараклар фаолият юритмоқда. Шунингдек, таълим сифатини оши-



ришда инновациявий лойиҳалар ўз натижасини бермоқда. Мактабнинг яна бир ўзига хос жиҳати олимпиада захирасини тайёрлаш йўлга қўйилган. Натижада, 2022-2023 ўқув йилида 3 нафар ўқувчи фанлар бўйича республика олимпиадасининг вилоят босқичида совринли ўринларни эгаллади, яна бир ўқувчи – Гузал Исмоилова қозоқ тили ва адабиётининг республика беллашувида совринли 2-ўринни эгаллади.

2023-2024 ўқув йилида 6 нафар ўқувчи фан олимпиадасининг вилоят босқичида

ғолиб бўлди. Ўқувчи Дилафрўз Низомова қозоқ тили ва адабиёти фанидан республикада совринли 1-ўринни (ғолиб ўқувчиларнинг раҳбари Ҳамида Чолдонова) қўлга киритди.

2023-2024 ўқув йилида умумтаълим фанлар бўйича ўқувчиларнинг республика олимпиадаси натижалари эълон қилиниб, давлатимизнинг 100та илғор олимпиада мактаблари рейтинг маълум қилинди. Бу мақомга эга бўлиш учун 590та таълим маскани омадини синади. Натижаларга кўра, 1-сонли умумтаълим мактаби 100 илғор мактаблар

сафига киритилди. Ушбу муваффақият мактаб директори Ҳамида Зуппархон қизининг фидокорона меҳнати, етакчилик қобилияти, мактаб жамоаси ҳамда шогирдларнинг ҳамкорлиги меваси.

Чаман АБДУМАЖИДОВА,
1-сонли умумтаълим ўрта мактабининг ўзбек тили ва адабиёти ўқитувчиси.

Тасвирларда: мактаб директори Ҳамида Чолдонова ғолиба Дилафрўз Низомова билан; 1-сонли умумтаълим мактаби.

Директор – Бош муҳаррир
Райимжон Ортикбой ўғли
АЛИБОВЕВ.

Бош муҳаррир ўринбосарлари:
Муроджон АБУБАКИРОВ.
Авазхан БҮРОНБОВЕВ.

Масъул котиба – **Шаҳноза УСМОНОВА.**

Масъул шахслар:

Туркистон, Саврон – **Шомира МАДАЛИЕВ.** +7701-610-51-22.
Кентов, Сўзёқ – **Рўзиохун МАДАЛИЕВ.** +7708-824-20-97.
Туллубий – **Баҳорой ДУСМАТОВА.** 8(72547) 6-07-16.
Қазигурт – **Хуршид ҚУЧҚОРОВ.** +7701-447-37-42.
Сайрам – **Зокиржон МҮМИНЖОНОВ.** +7702-278-96-90.
Тулқибош – **Мунира САЪДУЛЛАЕВА.** +7747-144-60-71.
Жетисай, Мақтаарал – **Мухтабар УСМОНОВА.** +7701-257-36-97.
Келес, Сарыоғоч – **Малика ЭЛПОЕВА.** +7702-841-78-82.

Муассис – Туркистон вилояти ҳокимлиги.
Мулк эгаси – «Жанубий Қозғоғистон» вилоят ижтимоий-сиёсий газетаси таҳририяти» масъулияти чекланган биродарлиги.

● Мақолалар, эълон ва билдирувлардаги факт ҳамда даъватларнинг тўғрилиги учун муаллифлар, реклама ва эълон берувчилар масъулдир.
● Фойдаланилган мақолаларга ёзма жавоб қайтарилмайди.

Газета ҚР Маданият ва ахборот вазирлиги томонидан 2020 йил 21 апрелда рўйхатга олинди.
KQ34VPY0022503 сувоҳнома берилган.

«ERNUR» МЧБ Босмахонасида чоп этилди.
Шимкент шаҳри, Т. Алимуқов кўчаси, 22.

Қозғоғистон Республикасида тарқатилади.

Бўғорма: 1370.

МАНЗИЛИМИЗ:
160000, Шимкент шаҳри,
Тауке хан шоҳқўчаси, 6-уй, 3-қават.
Телефон: 53-07-10. Телефакс: 53-04-66.

Электрон почта: janubiy@inbox.ru

Нашр кўрсатқичи – 65466.

Адади – 11400 нусха.

Навбатчи муҳаррир: **Мунира САЪДУЛЛАЕВА.**